



**SIUMUT**

INATSISARTUNI ILAASORTAATITAT / LANDSTINGSGRUPPEN

28. Marts 2011

Inatsisartut suleriaasianni § 37 naapertorlugu Naalakkersuisunut apeqqut imattoq matumuuna saqqummiuppar:

**Naalakkersuisunut Apeqqut:**

1. Peqqinnissaqarfimmiit akiliunneqarlutik katsorsartikkiartortut imaluunniit nakorsiartut illoqarfisisartik nunaqarfisisartilluunniit avataani toqusut qanoq amerlatigippat?
2. Peqqinnissaqarfip akiligaanik illoqarfimmur allamut katsorsartikkiartorlutik imaluunniit nakorsiartut toqusimappata toqusup timaanik illoqarfianut nunaqarfianulluunniit tikiussinissamik peqqinnissaqarfik akiliisalerniarpa?
3. Toqusoortut ilaquaat qassit namminneerlutik timip tikiunnissaanut akiliisarnersut kisitsisaatigineqarpat?

(Inatsisartuni ilaasortaq, Kristian Jeremiassen Siumut)

**Tunngavilersuut**

Peqqinnissaqarfik inuk katsorsartikkiartortoq imaluunniit nakorsiartoq akiliuttarpaangalanerinut, taamaattorli toqusimappat ilaquaasut imaluunniit kommune akiliisariaqartarpoq naak peqqilluni illoqarfimmur nunaqarfimminut utileraluarpat akiliisussaagaluarluni peqqinnissaqarfik.

Peqqinnissaqarfimmiit akiliunneqarlutik katsorsartikkiartortut imaluunniit nakorsiartut illoqarfimmi nunaqarfimmi avataani toqusut qanoq amerlatigippat? Tassani nassuaqqura ukiuni 2010, 2009, 2008 toqusut qanoq amerlatigisimanersut inissitsiteeqqissaarlugit. Immikkut ersarissaquakka aamma Qallunaat Nunaanniit kisitsisit qasserpiaanersut 2010, 2009, 2008-imi.

Soorluttaaq toqusunit qimagaasut toqusup nunaqarfisisaminut/illoqarfimminut utertillugu angallanneqarneranut aningaaasartautanut paasissutissat tunngasut 2008/2009/2010-milu pisut inissitsiteeqqissaarlugit takussusiarineqarnissaat kissaatigigiga, paasissutissat ersarissumik takuneqarsinnaanngorlugu Kalaallit Nunaanni Danmark-imilu passutsillutik toqusut immikkoortinnejarsimassapput.

Kissaatigaara apeqquteqaatikka ullut suliffiusut qulit iluanni akineqareersimanissaat.